

Optica Moderna a habri su di tres filial oficialmente den e bario di Noord

ORANJESTAD - Ayera oficialmente Optica Moderna a habri su portanan den e bario di Noord, e propietario nan a muestra cu satisfaccion cu nan por a yega na e logro aki un biaha mas, unda cu nan ta percura pa brinda e servicio di optometrista na Aruba. E meta di cualkier empresa ta pa brinda e miho servicio cu ta posibel na un comunidad y esei sigur ta e reto cu Optica Moderna tin desde cu e la keda funda pa Steve y Marie Bowen dos empresario cu a yega Aruba for di Inglatera y a stima Aruba y a establece nan mes riba e dushi pida baranca aki. Optica Moderna tabata pertenece na e cadena di Spritzer and Fuhrman un

compania cu a opera pa basta aña na Aruba como Antiyas. Na 1987 despues di reorganisacion, Steve Bowen a haci un oferta na Spritzer and Fuhrman pa e por adkiri e practica nan di Optica Moderna na Aruba, cual Spritzer and Fuhrman a bai di acuerdo y famia Bowen a cuminsa operacion di Optica Moderna na September di e mesun aña. Optica Moderno su oficina principal tabata na Oranjestad, den centro di ciudad, sinembargo e propietario nan na 1991 a muda e operacion di e compania pa de La Salle straat, den un edificio completamente nobo. Cu e reto nobo aki Optica Moderna a busca un staff di optometrista

cualifica, pa duna servicio na e comunidad di Aruba y asina a logra haya Nancy Ramirez cu tin 15 aña cu e compania. Durante e añanan di existencia di Optica Moderna, nan a mira e necesidad pa amplia nan frontera y a dicidi di habri un filial na San Nicolas, esaki tabata riba insistencia di Charlie Brouns jr (Q.E.P.D.). Na 1996 e localidad na San Nicolas a keda oficialmente habri, despues di a percura pa inverti den e equiponan di mas moderno. Awendia sra. Angela Cruz ta e unico optometrista cualifica pa haci examinacion di wowo pariba di brug. Durante hopi aña largo e famia Bowen a muestra nan confianza den economia di pais Aruba y Optica Moderna



a sigui funciona manera un optica completo y moderno. Despues di tur añanan aki y despues di a habri un filial na San Nicolas, Optica Moderna a dicidi cu ta tempo pa habri un otro filial, pa asina duna e servicio na e comunidad di Aruba. Aruba ta conoci pa un isla cu hende kier haya servicio rapido y cumbiniente, pesei mes optica Moderna a dicidi cu ta tempo pa habri e proximo filial den e bario di Nort. Esaki ta bira e di tres localidad cu Optica Moderna ta ofrece servicio di optometrista y tambe di benta di lente di contacto y bril na e comunidad di Aruba, cu e

mesun bon servicio cu nan a bin ta haci esaki desde 1987 cu famia Bowen a tuma e operacion di Optica Moderna. Den e facilidad na Noord, Gloria Lopes ta e optometrista cu ta bai keda encarga cu e servicionan di examinacion di wowo. Un persona cu experiencia cu a traha hopi aña pa dr. Otto Wolter y na Aruba Eye Institute. Cu esaki Optica Moderna ta adkiri experiencia clinico, amplio conocimiento y entusiasmo pa brinda e comunidad di Noord un excelente servicio di cuidu di wowo y sigur e calidad di mas halto den servicio di Optica na Aruba.